



Festa dals 1. avuost 2020 - versiun COVID-19

Oriundamaing d'eira previs d'organisar quist on üna festa naziunala redotta, cun resguardar las pretaisas e cundiziuns da la Confederaziun a regard la crisa da COVID-19. Güst avant la sezzüda da la suprastanza ha la regenza dal Chantun GR comunicà lur giavüsch/proposta als cumüns, da desister sün l'organisaziun da las festas dals 1. avuost a bön da la protecciun da populaziun e giasts.

Cun greiv cour ha la suprastanza cumünala decis in quist sen. Cun quai nu daja quist on ingünas festas uffizialas da prüms avuost in nos cumün.

Forz'electric - definiziun "contribuziun al man public" per l'on 2021

Minch'on ston ils cumüns definir l'import chi vain indemnisà pels drets da passagi/transport d'energia, la „contribuziun al man public“. Quista nun es e nu sto esser per mincha fracziun identica, eir scha sün lunga vista fessa sen d'armonisar eir quist import.

La suprastanza cumünala ha decis da definir eir pel 2021 quista contribuziun sco segua:

Zernez	2.1 rps/ukw	(0.6 rps + 1.5 rps per Zernez Energia 2020)
Brail	0.6 rps/ukw	
Susch	0.6 rps/ukw	
Lavin	0.6 rps/ukw	

Refacziun punt Grialetsch - credit supplementar

In connex cun quista sanaziun as haja güsta eir stuvü refer la punt Madra chi d'eira eir gnüda donnagiada d'ürant l'inviern 2017/18 tras üna lavina. L'argumaint d'eira da pudair coordinar quists lavurs e da nüzziar sinergias e cun quai eir da pudair spargnar cuosts implü. Per consequenza s'han augmantats ils cuosts cumplessivs dal proget. Il proget es gnü serrà giò d'ürant il 2018. Ils cuosts cumplessivs s'amuntan a 63'354.61 e sun cun quai per 13'354.61 plü ots co la somma da credit approvada da la radunanza cumünala.

La suprastanza cumünala ha approvà la dumonda da credit supplementar.

Viadi implü pels 6 scolars da Zernez chi frequentan l'on scolastic 2020/21 a la scouline Lavin

Per l'on da scoula 2020/2021 van ses scolarias e scolars da la scouline da la fracziun da Zernez a Lavin a scouline. Quista decisiun es gnüda tratta dal cussagl da scoula. Quist maina al fat, chi's po redüer ils pensums da muossadras a Zernez, ma però cun quai eir a cuosts implü da viadi implü tanter Zernez e Lavin.

La suprastanza cumünala ha deliberà, sün proposta dal cussagl da scoula, il credit per quistas expensas implü.

Per l'on da scoula 2021/2022 gnarà lura desisti, causa il nomer da scolarias e scolars plü bass, da manar inavant la scouline illa fracziun da Lavin.

Chasin da cadavers - proseguimaint avertüra publica

La porta dal chasin da cadavers a Zernez d'eira marscha ed es gnüda rimplazzada. Uossa as vuol montar üna nadiglia electronica per pudair programmar ils uraris d'avertüra ed avair üna meglra controlla da nettaschia e d'igierna davant ed i'l chasin. Implü vain scleri da pudair installar cameras per avair la controlla adequata per quist local.

Tenor l'uffizi chantunal (ALT GR) daja diversas racumandaziuns per gestir ils chasins da cadavers. Il cumün es bod in oblig da serrar il chasin da cadavers e d'organisar ils uraris d'avertüra/serrada e d'installar cameras per la surveglianza generala.

La suprastanza cumünala ha decis da vulair montar quista nadiglia da l'entrada electronica per pudair organisar fich flexibel las uras d'avertüra dal chasin da cadavers. Implü vegnan installadas cameras da surveglianza.

Agiunta a la convegna dal 2007 tanter il Cumün da Zernez e la Sosa Gera SA, chava da crappa Crastatscha

In connex culla chava d'amfibolit Crastatscha ed il lö chi'd es gnüda fatta la rimplaina cul material superplü es gnü fat dal 2007 üna convegna tanter il Cumün da Zernez e la Sosa Gera SA. Quista convegna regla tuot ils detagls in connex culla lingia d'aua da baiver principala (fracziun da Zernez) chi's rechatta in quel lö chi'd es gnüda fatta la rimplaina cul material superplü da la chava d'amfibolit. La lingia nun es gnüda spostada, dimpersè cuvernada cun material ed as rechatta uossa in üna profuondità da ca. 10 m. Il Cumün da Zernez es gnü a la conclusiun, cha'l punct a regard la lingia d'emergenza cun duos vascas ed ün uder da pumpiers, chi nun es gnü accumul fin in uossa na, nun es pel mumaint necessari. Las lavurs da rimplaina sun gnüdas serradas giò quist on. La lingia d'aua da baiver existenta nun es, d'ürant las lavurs da la rimplaina, fin hoz na gnüda donnagiada. Tenor stimas da cuosts s'amuntessan ils cuosts pella realisaziun da la lingia d'emergenza sün 70'000 chf. Üna gronda part da quels cuosts gessan a charg dal cumün. Uossa s'ha chattà culs respunsabels da la Sosa Gera SA ün cumpromiss. Our da quists motivs es gnüda fatta ün'aggiunta a la convegna existenta, per pudair evader e metter in net las pendenzas da la convegna dals 10-10-2007. Las trattativas culs respunsabels da la Sosa Gera SA sun gnüdas fattas directamaing dal president cumünal.

Radunanza cumünala dals 19 avuost 2020 – tractandas provisoricis

La suprastanza cumünala ha decis provisoricamaing da vulair manar seguaints progets in radunanza cumünala dal mais avuost.

. Tscherna dals scrutinadurs

. Decisiun a regard üna iniziativa inoltrada als 6 mai 2019 cul titel „Per üna suprastanza ed ün cussagl da scoula legitimà democraticamaing“

. Preparaziun e deliberaziun d'üna revisiun da la constituziun cumünala rinviaziun a la votaziun a l'urna dals 27-9-2020

. Preparaziun e deliberaziun d'üna revisiun da la ledscha da votaziuns e d'elecziuns rinviaziun a la votaziun a l'urna dals 27-9-2020

. Preparaziun e deliberaziun da diversas revisiuns da ledschas cumünalas resp. d'üna ledscha nouva

.. Preparaziun e deliberaziun da la ledscha nouva da scoula rinviaziun a la votaziun a l'urna dals 27-9-2020

- . Preparaziun e deliberaziun d'üna revisiun dal reglamaint resp. d'üna nouva ledscha dal s-chodamaint central da chalur „Cul“, Zernez rinviaziun a la votaziun a l'urna dals 27-9-2020
- . Comunicaziuns e varia
- . Infuormaziuns sur da rendaquints da credits approvats

Büro electoral per las votaziuns dals 27-09-2020

Pel di da votaziuns ed elecziuns da dumengia, ils 27 settember 2020 es gnü defini ed elet il büro electoral cun las seguaintas commembras e seguaints commembers:

Emil Müller, president
Seraina Bickel, commembra
Susanna Denoth, commembra
Brigitta Enkerli, commembra
Arno Felix, commember
Simon Rohner, commember
Beat Schärer, commember
Corsin Scandella, actuar